



Kat. Komp.

59590

Mag. St. Dr.

Feol. 5749

Chroskiewia Jacobi Jaen: Magister doctorum

Christus patiens ad sepulchrum sacre Para-

reves die in promulgatur.







MAGISTER  
DOLORVM  
CHRISTVS  
PATIENTS,



AD

Sepulchrum  
Sacro Parasceves die,

In

INSIGNI COLLEGIATA ZAMOSCENSI,  
Maestissimis Auditoribus,

A


M. IACOBO IOANNE CHROSTKIEWITZ, Philosophiæ  
in Alma Academia Cracoviensi Doctore, in Zamoscensi  
Scholæ Poëcos Professore,

PROMVLGATVS.

Annò, quò

Magno Doctore hoc paX aXe reVerterat orbl. 1726

Die 19 Aprilis.



Zamoscij Typis VNIVERSITATIS.



I N  
Gentilitium Stemma  
ILLVSTRISSIMI EXCELLENTISSIMI  
&  
REVERENDISSIMI DOMINI.



Cernite: Rhinoceros pro Christi zelat honore,  
Cornu lictorum fertur in arma celer.  
Spectat si quis homo non ferret vulnere Passi,  
Sæuius ut cornu in pectore pungat eum.



ILLVSTRISSIMO EXCELLENTISSIMO  
&  
REVERENDISSIMO DOMINO  
D. ALEXANDRO

Pleszowice & Przędzel

FREDRO,

DEI & Apostolicæ Sedis gratiâ  
Episcopo Premisliensi, Domino  
Protectori Amplissimo.



MAGISTRVM Dolorum CHRISTVM pa-  
tientem, qualem dolenti in Parasceve celebra-  
vi dictione. nullam securiorem, quàm Tuam Sa-  
cri Prasulei Honoris censeo occupasse Cathe-  
dram Illustissime Domine. Quidquid enim in spatio  
Magni Tui Nominis existit Divinum, ex omni parte se-  
curum est. Sic equidem Tux curæ & solitudini suprema  
inhærent Numina, ut continuò circa hoc altis tenearis  
cogitationibus, ne aliquis unquam in Illa etiam minimo  
criminis assurgat ausu. Semper invigilas paratissimus, ut  
in his phanaticum corrigas errorem, qui intendunt Su-  
peris fieri perduelles. Excubatorem agis continuum, ut  
sacra Divorum Nomina apud Te securissimè hospitentur.  
Gentilium Rhinoceros quovis tempore in celeri cursu est,  
ut tempestive occurrat genti; quæ est inimica DEO: erigitq;



sornu acutum, ut hanc funditus profligat laniando, aut  
compungat leniendo. In pedus mortalium, qui gravi er-  
rore oppugnant Superos, saevius agit erecto cornu, ut eos  
moveat ad pacem. Nec frustra: ubi compunctione ejus  
panitet multos errorum suorum, quos dum reiiciunt, DEO  
efficiuntur amici. Sub hoc Rhinocerote de securitate nec  
dubitandum, qui non millies ex Martiali campo redijt tri-  
umphator. Hic saepe sapius erecta unicorni alti sui  
capitis tuba, sibi de hoste triumphum, sacris Deorum  
Imaginibus & populis securitatem occinebat. Dant  
documenta dictis olim terrestria, nunc Calis locata Numi-  
na Fredrovij; quorum primus CLEMENS MIERZBO Episco-  
pus Crulvicensis. Hic enim oriundus ex Italia venit in  
Poloniam, ut Polonos ad fidei instruxisset Polos, pri-  
ma illis Christiana fidei jaciendo fundamenta; quam fidem  
etiam Principi Polonorum MIECISLAO, prius instillavit.  
Sed ne avulso ramo defecisset alter, Germanus Ejus  
Frater cum PROCVLSO EPISCOPO Cracoviensi Polonas  
venit in oras; qui Ecclesia DEI in duobus filijs, NICO-  
LAO & BOGVSLAO erat proficuus, quibus Sacer Cra-  
cius Varvellus verticem suum acclinavit, ut in illo Cano-  
nici Cracovienses CANONE Fidei, Religionis, vitaq; exē-  
plaribus novis Christianis eminuissent. Accessit tandem ter-  
tius DOBIESLAVS MIERZBO etiam antiquioris saeculi  
Tuus Antecessor, ut ternione Virorum ex Italia, perfectio-  
nata fuisset in Fide Polonia. Nec tantum perfectionem in Fide  
est & securitatem habuit Sarmatia per MIERZBOVIOS,  
ubi DOBIESLAVS MIERZBO CASIMIRI MAGNI nō  
minor Marechalculus, Theutonem elatum ita humo allisit,  
ut ipse celsior, Polonia securior evaserit. Aptiorem scepro  
quā scipioni quis non dixisset DOBIESLAVM? si illum  
pro Aris & focis sub REGE IAGELLONE pugnātē adver-  
tisset. Hic dum suo idiomate pacem proclamavit, etiam ex  
MIERZBOVIO FREDROVIVS proclamatus est. Ma-  
gno suffunditur pudore calamus, nec ultra audet progredi,  
dum purpurata FREDROVIORVM Nomina occurrunt  
illi



illi celebranda. Occurrunt nullis unquam sufficienter de-  
predicandi elogiis IOANNES à Niznow Terrarum Rus-  
siae, ANDREAS in Pockovice Podoliae Palatini FREDRO-  
NES; qui in augustissimo Senatu maturò iudiciò Catones,  
gravè consiliò eminebant Consi. Nec Lentuli, sed Celerino  
cursu cum summo studio Stadium militare decurrebant.  
Hi duo fulmina belli Scipiadae, quoties hostem profligave-  
runt, toties sibi triumphum, Sacratæ Dijs Ædibus popu-  
lisq; securitatem compararunt. Etiam IOANNES pro bel-  
lica dexteritate ante obitum Dux Exercituum proclamatus  
est. Magna Domus Magna Columina ANDREAS in  
Pleszovice Haliciensis, MAXIMILIANVS Leopoliensis,  
IOANNES Premisliensis, SIGISMUNDVS Sanocensis  
Castellani FREDROVII; qui inexpugnabilia Ecclesia, Pa-  
tria, & miserorum Castella fuerunt: ubi in eis DEORVM  
cultus, Civium amor, populorum affectus intacti residebāt.  
Tremat digittis scribentis dextera, dum auspicatur Filium  
tonitruum. IACOBVM FREDRO, Regentem, Cancellarium  
Regni, Succamerarium Premisliensem. Verè Iacobi  
sortitus Nomen, ubi audaces hostium animos ceu tonitru  
sepius terrebat & terebat. Ingerunt se imbelli calamo MAR-  
TINVS, Pocillator Belzensis, SIGISMUNDVS Sanocen-  
sis, GEORGIUS Premisliensis Dapiferi, MARTINVS Sub-  
dapifer, ALEXANDER Pincerna Premisliensis FREDRO-  
VII; quos magna virtus tam pro Ecclesia, quàm pro Patria  
perennantibus inscripsit fastis. Viget fama perpetua IO-  
ANNIS Podoliensis, IACOBI Camenecensis, RAPHAELIS  
Leopoliensis Succamerariorum, VALENTINI Ve-  
natoris Premisliensis FREDROVIORVM; quorum ultri-  
cem pro Honore DEI manum & sentiebant & timebant  
rebelles. Vivunt post fata superstites IOANNES Iudex,  
VALENTINVS, STANISLAVS, GEORGIUS Tribuni  
Premislienses, ANDREAS Capitaneus Vstensis, RAPHAEL  
Legatus ad Comitæ Regni FREDROVI; quorum  
Heroica facta adorat libenter nostrum saculum, gratò ani-  
mò futura leget posteritas. Trahunt ab oblivione memo-  
riam rediuvivi in igne Martiali Phænices HENRICVS,  
GASPAR, ANDREAS, ternio IOANNÛ, STANISLA', PE-  
TRVS



TRVS, LAVRENTIVS, alijq; plurimi FREDRONES;  
 quos Lucina incitatissimos armis animisq; ad bella educa-  
 vit Viros. Hi enim fulmina hostium, consinium terro-  
 res, Patrie salus, titulorum scopi, Ducum exempla emi-  
 nuere. Reticeo alios FREDROVIOS, non tamen Illustris-  
 simum & Excellentissimum Dominum VALENTINVM  
 FREDRO, Pocillatorem Belzensem, A V V M Tuum  
 Præsul Illustrissime. Valentinus erat, etiam Herculeo ro-  
 bore valebat. Heroum Phænix de Patrijs assurgens ci-  
 neribus, fortuna & Honor de illo contendere videbatur,  
 donec pietas utriq; prariperet palmam. Vir erat anti-  
 qui moris nec tecti simulatione candoris, nec. quod rarif-  
 simum est, in magna felicitate supercilij elati. Liceat  
 mihi adoratore calamo innuere Illustrissimum & Excel-  
 lentissimum Dominum STANISLAVM FREDRO, Ca-  
 stellanum Czerniechoviensem, PARENTEM Tuum  
 Dignissimum. Ad solam tanti Viri memoriam subrepunt  
 gemitus, in uno Nomine casum totius Patrie miserantes.  
 Ille omnibus solus numeri pensabat damna, Domi subfi-  
 dium, Foris ornamentum, Assertor Iurium, Arbitr  
 consiliorum, Hector in pralio, Nestor in suffragio. Ita  
 in omnes partes capacissimam dividebat mentem, ut in  
 hoc uno jure merito non unum sed plures amissos requi-  
 ramus. Infert se numeroso virtutum stipata satellitiò pi-  
 ssima MATER ex Illustrissimo Sangvine Belzecciorum  
 orta, Magni quondam PALATINI Podoliæ Filia, Hero-  
 um, Heroinarumq; viva imago. Hæc ita erat virtutibus  
 aucta, ut si ipsa pietas humana specie voluisset indui, &  
 Nomen & vultum Theophilæ antetulisset. Quid in il-  
 la scilicet non Divinum erat? quam ipsa humanitas vi-  
 cinam probavit Superis. In Majestate frontis nihil non  
 Regium, præter Nomen. Maternum in subditos pectus sæ-  
 per explicabat, non aliud erat illi subesse, quam sua pa-  
 rere felicitati. Fratres Tuos Dilectissimos altò veneror  
 silentiò, quibus licet fatalis cesserit cupressus, in Tuo tamen  
 Fraternali pectore ut palma immarcescibiles revirescunt.  
 Non aberrabit calamus ab Illustrissimo FREDROVIO-  
 RVNOMINE, Si omnia propè primarum in Polonia



Familiarā decora huc deduceres. Inprimis Sacrā Regum  
MICHAELIS ZAMOYSCIORVM, IOANNIS III SO-  
BIESCIORVM submissō calamō adoro Majestatem; de  
quorum Sanguine portione Tua Illustrissima Domus par-  
ticipabat. Accedunt Tua Gloria etiam illi, qui gloria  
fastigium excesserunt, CZARTORTISCHII, WISNIO-  
WIECCII, RADZIWILII, KONIECPOLSCII,  
WARSZTCCII, POTOCCHII, STADNICCHII, LA-  
SZCZOWII, KORTCINSCHII, DROCHOWSCHII,  
DANIELOWII, RADZIEIOWSCHII, GNIEWO-  
SCHII, WODINSCHII, PIASECCII, ZOIKIEWSCHII,  
ZEBRZTDOWSCHII, ZBOROWSCHII, ORZECHO-  
WSCHII, PIENIAZKOWII, GIDZINSCHII, PRZE-  
DWOIEWSCHII, aliaq; plurima Nomina ut Numina co-  
lenda. Fastos condi necesse foret, si cuncta huc Nomina Sā-  
guinis vel Affinitatum conferrentur. Sufficit dicere, quod  
in una FREDRONVM Domo tota videtur Polonia, in  
qua etiam spectabatur Italia. Quotquot decora Domi  
Tux sunt Præsul Illustrissime, quotquot à Magnis Prosa-  
pijs derivantur ornamenta, omnia hæc in Te suum compen-  
dium habent. Omne decus, quod à Tua Illustrissima Familia  
prius Exoticus tandem Sarmaticus derivavit orbis, in Te  
eminet & ad summam gloriam augetur. Vix enim Te na-  
scentem benigno respexit Latona vultu, protinus spem in  
herba porrexisti orbi, futurus pro Ecclesia DEI & Patria  
Triumphator. Neque enim prius Tuam à Palladis contu-  
bernio adolescentiam avulsisti, quàm tanta in Te virtutis  
ac literarum messis adolesceret, quantam bono Patria Civi,  
& ut non temerè promittendo, sic præstando ex fide abundè  
sufficere, æstimares. Vt autem rarissimum est, Tuus tener a-  
nimus, non præcipitabat se temeritate cogitationum, matu-  
ritas componebat mentem, atq; sic in graves sensus nunc  
colligebat, nunc diducebat prudentia, ut, quidquid cogitasti  
sublime esset, quidquid dixisti, ponderosum. Et dum in Oc-  
cidentalem pergebas felicissimus Europam, illa Tibi Natio-  
nes applaudebant, qua plerisq; alijs in vitia flecti cereis il-  
ludebant. Ibas per populos noscendus magis, quàm notitiā  
accepturus. In Patriam felicissimè redeunt, omnes Tibi Ho-



nores obviabant. Primò Regni Referendarius, tandem su-  
premi Tribunalis Iudex & Præsidens eras, qualem sibi ad-  
usq; causa mortaliū poscūt. Sēper æquitas perorabat, legūq;  
Sanctitas ibat in patrociniū innocentia, nec favor decer-  
nebat, sed iustitia Te Iudice & Præsidente. Nimirū æqui-  
tatis lance causam unicujusq; non favorem ponderabas. Re-  
galem ita devicisti animum, ut Tibi in spoliū cesseris Ty-  
ara. Affulset Tibi Purpura, quam Majores olim Tui suo &  
hostiū tinxere sanguine, Tu Tuīs meritis concinnasti. A-  
liās virtute & meritis Tuīs, gratiā Sanctæ Sedis Aposto-  
licæ, favore Serenissimi AVGVSTI II. Regis Poloniarum  
(cujus singulariter adhesisti cordi) Episcopatum Chelmensem  
suscepisti. Vix Chelmæ Præsuleō Pedō fultus stetisti, protinus  
Cathedram Chelmensem amplis fulsisti beneficiis; qua pe-  
rennes Tibi pensare grates extitit obligata. Sed ne tantū  
uni Ovili bonus Pastor præesses, ad Diecāsem Premisliensē  
feliciter processisti, in qua, sicut & in Chelmeni, nunquam  
virgam vigilantem à Tuo divertis Ovili; immo Tua cura  
tām felix est circa Ovile & bonum Patriæ, ut eam nemo ca-  
pere queat, quomodo sine corporis replicatione ubiq; præsens  
gigante animo Tuo omnia complexus es. Hæc Tua activi-  
tas extra captum omnium est, Tibi soli pervia, si dignè enar-  
rari posset, Angelico conceptu opus est, si describi, non hæc  
exigua pagella, sed ampla librorum folia requiruntur. Pro-  
inde ego in silentium desino, non nisi Tibi hunc, quem semper  
in Tuo piissimo corde foves, sub titulo MAGISTRI Dolorū  
cū profundissimo cultu reddo; qui Tuo cordi patet, pateat sub  
magno Tuo Nomine universis. Ille utpote MAGISTER  
auræ Tibi Saturni explicet sacula, Ille te vigore salutis in-  
fracta semper instruat, Ille ad suprema, quò Te virtus & me-  
rita vocant, promoveat Honorum fastigia, supplicibūs ur-  
geo, votis.

ILLVSTRISSIMÆ EXCELLENTISSI-  
MÆ & REVERENDISSIMÆ DOMI-  
NATIONIS VESTRÆ.

Devin&issimus cliens  
M. I. I. C. P. D. P. P.



# ORATIO.



Vt ex fonte lacrymarum orationis ducere exordium, aut mentem Cælo cognatâ alto occupare stupore, aut in ipso dicendi exordio obmutescere, hodie est necesse. AA. Quidni ita debeat fieri? dum

hæc universa, quæ modò acturus sum, & copiosa plantuum Næniarumq; suggerunt argumenta, & in altum deducunt stuporem, & in mutos Memnones transmutant Oratores. Quis enim hodie gemina frontis fidei ra in pluviosas non mutaret Plejades? quis densos amarosq; lacrymarum non demitteret imbres? quis mæstâ publici luctûs non ageret querimoniam? quando Cæli terræq; Dominus, naturæ mortalis & immortalis Creator, Rex Regû, Dominus Dominantiû, DEVS Ter Optimus Maximus, in probrosam contumeliarum, tormentorum, & mortis enormissimæ progreditur scenam; quâdo CHRISTVS innocētissimus ad inauditâ crudelissimæ passionis procedit actionem: quando Verbum æternum abit in silentium. Eheu cheu mortales! cur vagos per orbem oculos, in lacrymarum non solvitis flumina? cur vivo luctu, ac nimio singultu, obdurata causatorum tantæ enormitatis non mitigatis pectora? Nonne aliquid est, quod ad tristes lacrymas & miserrimû non ducat Pathos? Attendite attēdite: vel potius discite ab illis rebus, quæ alioquin, ut doleant, sensum & naturam non habent; acerbissimè tamen dolent: & præ intenso gemitu, disrumpuntur aliæ, aliæ radicitus sedi-



būs suis convelluntur, discinduntur, obscurantur. Quid dicam de Angelicis Spiritibus? in quos nulla licet lacrymarum gutta, nulla tristitiæ nubes svapte naturâ cadat, nunc tamen quasi conditionis suæ atq; immortalis felicitatis lætitiæq; obliti, amarissimè super hominū plusquā ferina immanitate plorant & lamentantur. Sanè conspiratio, conspiratio, quantam nullum sæculum vidit unquam, quā nullius hominis percussit percutietve ferocior aures, confæderatarum in exquisitam carnificinā & cædem CHRISTI voluntatum, etiam de caucaseis cordibus tristem elicit querelam. Vtiq; nihil est in tota Christi passione, quod non cum profusis lacrymis, non cum intimo singultu debeat proferri. Obstupefcite obstupefcite AA: Fons & Origo Lucis à filijs tenebrarum obscuratur. Manus illæ, quæ effusissimæ sunt ad libertatem, impiorum funibūs constringuntur. Divenditur Thesaurus, catenatur Libertas, infirmatur Salus, plectitur Iustitia, mancipatur DEVS, in exhausta nūmorū aviditas rabida in Divinum sanguinem agitur orexi. Ah sceleratissime & infelicissime Iuda! siccine tradis Vitam, ut ipse æternū moriaris? siccine auri sacra fame teneris, ut trigintā argenteis ad tot millia tormentorum tuum divendas Magistrum? Adeste tam luctuoso spectaculo lacrymīs ò Cæli terræq; oculi universi! adeste cordium Delicio amorū Amori ò Cælitum atq; mortalium pectora! Ecce Hic à cunctis derelinquitur, Qui recipit universos. Hic inconsutili nudatur vestimentō, Qui Cælum sideribūs ornat, terram condecorat florum majestate. Hic inquam nudatur, Qui Regum capita pretioso diademate cingit, dextras aureis honorat sceptris, Sagō purpureō augustos Principum humeros circumvelat. Obmutefcite obmutefcite Oratores: quando Verbo æterno ferrea manu imponitur silentium. Tunditur, flagellatur Dominantium Princeps, terrarum Dominator, Cujus dexteram Cæsarū Poliregia, Regum stephanomata, Imperatorum trophæa expavescunt. Hic densō numerō vulnerum insignitur, Qui



Qui ab illa Cæli Regione successit optimus Medicus. Ne  
mo enim fulminantes flagellorum ictus, armata verberū  
agmina, inordinatos cædētū ordines oratione recēferet.  
Non patiuntur sævi tortores Oratorū numeris adstringi,  
qui omnē cædendo numerū excesserūt. Naufragari in san-  
gvineo hoc Oceano, & ad infamē marmoris scopulū al-  
lidi orationem est necesse. Spinarum sentibūs & aculeis;  
quibūs coronatur CHRISTVS, florida verborū venustas  
suffocatur. Hic sub infami crucis fatiscit mole, Qui to-  
tam orbis machinam tribūs digittis appendit. Hic mor-  
tis nefandæ subit violentiam, Qui Vita æterna nuncu-  
patur. Deficiente inter furentes ludæorum æstus Fontis  
vivi profluvio, etiam quævis eloquentiæ fluentia defici-  
unt. Erudita Virorum ingenia, rosæ mellifluæq; Hor-  
tensiorum mentes, sub rosā omnia tenere videntur, quā-  
do profundum Gratiarum Mare ab iracundo furentium  
pectorum æstu exsiccatur. Lapis sepulchralis CHRISTI o-  
mne ingenij obtusum reddit acumen. Porro quis hodie  
Tullius? quis Demosthenes? ubi Æterni PATRIS conticuit  
Eloquentia. Proinde extra dubium sit, quod Oratori-  
bus aut à lacrymis inchoanda dictio, aut mens in stupo-  
rē rapienda, aut CHRISTI passio altō silentiō adoranda.  
Sed quousq; tandem tristis planctuum & singultuum  
querela Oratorum cruciabit voces? quousq; hæc meta-  
morphosis mentem humanam in tanto stupore morabi-  
tur? Itane à recolenda CHRISTI passione oratoria excu-  
sabitur svada? itane acerbissima Redemptoris Nostri a-  
ctio, dum est vel maxime deprædicanda, profundō silen-  
tiō adorabitur? itane Salvatori Christo ex truculentissi-  
ma Ejus tragædia, nullus ab Oratoribus formabitur ti-  
tulus? absit ista opinio. Si enī DEVS HOMO sudavit in  
Horto Gethsemanico, cur humana non debeant sudare  
ingenia? si propter cruentas flagellorum vices proprio sā-  
gvine purpuratus est, cur non fucatus verborum appara-  
tus Oratoribus adsit? Acuti spinarum aculei, quibūs co-  
ronatus est, alta movere debent cogitationum acumina.



Propter nostram salutem extremis vitæ spiritibus extit-  
tus est, etiam testandi grati pectoris ergo, Oratorio  
spiritu debet animari dictio. Et dum alij CHRISTŪ pa-  
tientem Florum Principem, alij Florem in medicinam  
ægris mortalibus in Horto Gethsemanico decerptum, alij  
Speculum Increati Amoris, alij Solem in eclipsi sangvi-  
nea, alij rubrum Mare proprio diffusum cruore, alij alijs  
dolentibus venerantur titulis, ego MAGISTRŪ Dolorū  
incultō dictionis cothurnō, tenuiq; facundia ulterius ve-  
nerabor, Permite Doloriosissime cordis gaudiorum Da-  
tor hunc Tibi à me titulum adhiberi. Non erubescere ad  
Nomen Magistri Dolorum, quoniam in tua passione  
docuisti mortales, quòd per dolores ad Cælestem Aca-  
demiā debeant promoveri. Agnoscetis & vos A.A:  
CHRIST VM patientē MAGISTRŪ Dolorū, modotātū  
doloris atrocias vestras benevolas in audiendo non feri-  
at aures, supplex imploro.

Plurima Scientiarum documenta calleant discipuli  
mortales, adhuc insipientes sūt, si nesciūt eveniētes sustinere  
dolores AA. Nil enim proderit, quamvis aliquis ampla  
librorū folia vastō absorberet ingenio, si tantū erit  
hujus inscius artis, quomodo furentes cruciatuum tole-  
randi æstus. Hæc est Christiano populo necessaria Sci-  
entia, hæc illi apprimè conveniens Sapientia, ut non i-  
gnoret assurgentes tormentorum sufferre tempestates.  
Quicunq; enim Christiadum didicit se esse patientem in  
doloribus, etiam ad Cælestem Academiā fuit Candi-  
datus. Nemo Cælesti corona laureatus est, nisi ille, qui  
se prius continuo exercebat in patientia, variosq; cruci-  
atuum tumultus novit sustinere. Discenda vobis pati-  
entia discenda, qui anhelatis Cælestis laureæ fieri com-  
petitores. Et quòd si talem requiritis, qui vos doceret  
patientiam? à quo disceretis graves tolerare ærumnas?  
adeſt patientissimus CHRISTVS Dolorum MAGISTER,  
qualis in toto sermonis tractu observetur. Initiādus enī Do-  
lorum MAGISTER, instruit toti Collegio Discipulorum  
splen-



splendidas obsonij dapes, in quibus, ut candidiùs in vota eatur, abluunt pedes facer Competitor. Eheu quò se demittit immensa Divinitas! Procumbit ad pedes Discipulorù, cui sùnt Cæli pro scabello. Recubat ad vestigia proditoris impij; qui sedet ad dexterā Patris. Inclinat se ad Iudæ truculenti genua, Cui omne genu flectitur inclinatū. A plā-  
tis sui capitis laureā auspicatur Dolorū Candidatus: & in fūdamēto humilitatis structurā cathedræ habere opinatur. Expletis plusquā Regalibùs epulīs, lavatīs absterfisq; pedibùs Discipulorù, progreditur in Hortū Gethsemanicū futurus Dolorū MAGISTER, ibi non spatiaturus, nec redolentes arborū comas pro laurea spectaturus: sed vitā humanā quæ periverat in horto deliciarum Paradiso, quæsiturus. In Monte Olivarū altæ pacis symbolo mærorū Cōpetitor in primo statim ingressu sternitur in terram: ut habeat documentum, quā grave super humerum Ejus futurū sit dolendum Magisterij officium. Prima docendi auguria dolendo incipit à sudore, notum faciendo, quòd semper Illi crudelis graviter incumbet laboris moles, antequā finiverit dolorum lectionem. Stillat Illius totum Divinum Corpus elicitis in terram sudoribùs, non ut, ceu MAGISTRO Dolorum, viridis pullulet corymbus; sed ut arbor inversa homo, qui propter æstum peccati marcuerat, denuò in vitam revirescat. Stillat inquam idem corpus etiam sudore sanguineo, tanquam rubicundo pudoris colore depingeretur CHRISTVS, quòd plures homines, qui etiam si efficaci sudore Divino reffloruerint in vitam, futurum est, ut iterum ardore vitiorum arecant in mortem, cheu perpetuam! Colligite mortales devota mente hos Divini sudoris uniones & rubinos, ac pijs-  
sīmīs ponderate affectibùs, quā pretiosissima salutis humanæ reparatio; quæ non Cræsi opulentiâ, nec Midæ divitiis, ast gemmīs & carbunculis inæstimabilibùs sudoris Sangvinisq; CHRISTI incipit reparari. Iam approximat cum manu satellitū traditor Iudas: jam indigitat CHRISTVM Dolorum Candidatum: jam ignea pompa funa-



lium elucescit. Relinque umbras patularum frondium  
crines Lucis Fons & Origo: relinque densas crispantium  
arborum comas, doctrinam dolorosam Tui ipsius exem-  
plò professure: ex odorato floribus & herbis viridario pro-  
gredere in publicum. Et quamvis Dolorum Candidatus  
non recuset lauream, rigidi tamen funes trahunt; quam-  
vis non abnuat Dolorum MAGISTER audiri, nihilomi-  
nus testes captant & catenæ. Nec deliberat, liberas ta-  
men non habet manus; vincitur, captivatur, stringitur,  
ligatur Sanctissimus MAGISTER: ut nos discipuli mor-  
tales gravibus catenis in æternam solvamur libertatem.  
Neq; procedit cunctabundo passu, trahitur tamen, &  
ducitur festinanter. Sed quò quò pergitis errorum cohors?  
itane ad mortis supplicia properatis, qui perennem duci-  
tis Vitam? itane ab orbita justitiæ deflectitis, qui rectis-  
simam Viam præ manibus habetis? itane mendaciorum  
aditis loca, cum præstò sit vobis Veritas? Sistite præci-  
pes furia, sistite dementes animæ. Sed quid eos inani-  
bus detineam verbis, qui Verbum tenent Incarnatum.  
Nihil soluta dicendi facultate curant, postquam se tam  
malevolò studio Verbo ligando addixerunt. O durum  
proditoris pectus! cur non plecteris? ô scopulosa rupe!  
cur non frangeris? ô immanissima bellua! ( te scelerate  
Iuda verbis impeto ) cur non mitigaris? ad gravissimū  
dolorum Magisterium DOCTOREM Doctorum MA-  
GISTRVM Magistrorum prodidisti. Graditur jam MA-  
GISTER Dolorum per angustos viarum tractus, ut ho-  
mo de angustia perpetua egrediatur. Fædissimò lutò re-  
pleta via, quâ pergit est, ut lutosum peccati deleat er-  
rorem. In Sacratissimam prosternitur faciem, ut larva sce-  
lerum vultum mentis humanæ cooperiens discutiatur.  
In conspissata duræ telluris gleba, solidum Sanctissimo  
MAGISTRO nefandæ crudelitatis instituitur argumentū.  
Proteritur impiorum plantis, ut planta vitæ humanæ ex  
agro tribulos & carduos germinante, in agrum selecti  
frumenti transferatur. Truditur in currentes Cedronis  
aquas,



aquas, ut turpis vitiorum nostrorum labes abluatur. Cætervatim hæc illæc trahitur cum summo plebis furiosæ ludibrio, ut gaudens nostra perditione inimicus eludatur. In irreligiosas Pontificum violenter detruditur januas, ut quantocius recludat carceris postes mancipijs exituris. Tunditur, vellicatur, pungitur CHRISTVS innocentissimus, ut per hanc puncturâ, aculeus mortis æternæ animabus infixus mortalium depromatur. Quis dignè cætera nefariæ & execrandæ comprehensionis raptationisq; huius indicia? quis truculentam speciem exhibeat? Ipsi Pontifices in suis aulis tractant impijssimè CHRISTVM innocentem; ubi blasphemias, anathemata, execrationes, adjurationes, plusquàm viperinum fel, plusquàm bilem Cerberi evomunt amarissimam. Quid ad ista innocentissimus IESVS? monstratne se pro tanta malitia indignabundû Pontificibus? moveturne ad vindictâ pro tâtis eorû ausibus? minime: omnes istas nequitias, omnia hæc cõtaminato prolata ore, mansuetissimè tolerat sustinetve; ut & nos doceat evenientes sufferre dolores, & Ipse Dolorum MAGISTER videatur. Defigite immotas admiratione mentes defigite: perspicaces oculorum pupillas in Dolorum vibrare MAGISTRVM: quàm continuïs varijsq; doloribûs agitur. Iterum atq; iterum sternitur in terram, seu potius MAGISTER Dolorum funestissimos recitat casus, ut lapsa natura humana Illius casibûs elevetur. Accusativus casus MAGISTRO Dolorum gravis est, nam licet omnia juxta regulas veritatis proferat, nihilominus sæpius accusatur: ut nos mortales excutemur. Nostra enim est actio, nostra sunt crimina, nos debemus accusari, nos meritas luere pænas: CHRISTVS sine deliquio, sine causa hæc omnia patitur innocentissimè. Mirari vos debeo Pontifices, sapientes estis, eclipsim vestræ rationis non cognoscitis: seu potius aposiopesim dixerim; quia rationis homini necessariæ in vobis defectus est: vbi vesano furoris æstu impediti, ad ulteriorem tormentorum sævitiam progredimini. Ver-



bum absolutum infinitumq; Quod à vobis debet omnino sciri, ignoratis: immo hoc Verbum, Cujus participia seu de Quo participantes vitæ & omnium bonorum estis, apud vos video obsolevit. Hæc tantum vestra heu stultissima sapientia est! quod Verbum æternum activum, per Quod omnia facta sunt, crudeliter vertitis in passivum. Versatur enim in pedibus MAGISTER Dolorum non creticis, sed criticis; non molossis, sed molestis; non bacchijs, sed barbaris; alijsq; plurimis lutulentis; quibûs atrocissimè conculcatur: ut mors æterna in melius sequacium Ejus proteratur. O plurimum excessivi pedes! utinam ante hoc immanissimum scelus contabuissetis! utinam vos prius dirus carnifex læthifera bipenni abscidisset! antequàm CHRISTVM innocentissimū nefasto & temerario ausu conculcástis. Quid ultra? en fævissimi tortores MAGISTRVM Dolorum æstuantè desiderio videre roseum Arpinatem; ubi Eum ferratis palmis, cædibûs truculentis gaudent cruentari. Deturpant Lucis æternæ Candorem tenebriones conspuendo. Quid illis non ad gustum est, quòd conspuunt, patientissime IESV? forsitan hoc, quòd MAGISTER es, tamen Te pro tam audaci & nefasto scelere fulminantem in illos nò demonstras Periclem. Satiùs ignivomis fulminum ictibûs, non silentiò coram illis utendum est. Quodsi servabis silentium, etiam plura gravium tormentorum senties argumenta. Minimè dat locum persuasioni MAGISTER Dolorum; sed ut talis comprobetur, omnes cruciatus mansuetissimè vincere paratus. Leviora his & aliquantulum meliora est audire animus. Noctem agito insomnem, in qua CHRISTVS sic defensus & opprobriis saturatus, in tenebrosū ducitur carcerem, ut animæ expectantes de carcere tenebrarum educantur. Sed aliter dicam: tanquam ex Divina Mathesi MAGISTER Dolorum in celarent formato magnæ nequitiae oppugnatur argumentò; ubi in celario velata sordidò linteolò facie (in quâ desiderāt Angeli prospicere, in quâ Æterno

com;



complacuit PATRI, quæ Cælum serenat intuitu, cuius  
visione immortales genij Electorum beatificantur) fu-  
rialibus alapis toties ac toties sævissimè impressis, per ex-  
tremam gladiatorum facem divinare jubetur authores,  
qui se perculserint. Exhorrescite exhorrescite AA: quàm  
innocētissimè impijssimè Sāctissimus MAGISTER forma-  
tus in celarent infestatur diræ sævitix speciminibûs: quā-  
do à Iudæis vulneribûs, sannâs, ludibrijs, sputis, sordibûs  
ignominiosè concutitur, exagitur, conspurcatur. Reclu-  
de mentis oculos exquisitorum cæcitas, & in celarent  
dispositum videas argumentum. Nullus impius Sanctis-  
simum deberet fædare MAGISTRVM; omnis verò Iu-  
dæus impius est: etiam nullus Iudæus debuerat Sacra-  
tissimam CHRISTI Majestatem sputis & sordibûs de-  
turpasse. Post tot & tanta inhumaniter confectæ no-  
ctis, tormentorum, & ludibriorum argumenta, compa-  
triotæ Iudæi, plurima turba versipellium, rabularum, le-  
guleiorum instant ferventissimè: ut Iudex Pilatus diris  
cruciatuû indicijs quā maximè impugnet MAGISTRVM  
Dolorum. Agnoscit quidem Arbiter justitiæ Pilatus in-  
dignum dolorosò titulò MAGISTRVM Sanctissimum;  
favore tamen & gratiâ Cæsaris devincitur, ad nefariam  
Iudæorum instantiam jubet extra numerum formatis in  
*ferio*, quia verberum argumentis oppugnare CHRISTU  
innocentissimum. Hic avertite oculos à sæva barbarie  
AA. Denudatur omnium Velator suò inconsutili ve-  
stimentò MAGISTER Dolorum, Magistralem fortassis  
vestem accepturus. Indues CHRISTE Togam purpura-  
tam, non alterius vermis, nisi sanguine Tui ipsius, ut de  
Te dixisti *Ego sum vermis et non homo* inescandam. Al-  
ligatur marmoreæ columnæ MAGISTER Dolorum, ut al-  
ligati caucaso perpetuæ infelicitatis mortales dissolvantur.  
Ne genus humanum æternæ crudelitatis experiatur  
documenta, CHRISTVS patientissimus supra modum  
barbaræ immanitatis in *ferio* oppugnatur argumentis; ubi  
acribûs verberibûs, spineis virgîs, hamulîs, aculeatîsq;



scorpionibûs, ad extremum catenis & castrubûs ab imo  
ad summum cœditur, convellitur, discerpitur, laniatur  
frustratim, carpitur Virgineæ carnis, (quâ DEVM huma-  
nus vestivit amor) purissimum indumentum. sed sisti-  
te rabie occupati tortores, & argumentum meliore judi-  
cio in *ferio* disponite. Nullus virtuosus puniendus est;  
CHRISTVS enim omni virtutum ac perfectionum gene-  
re consumatissimus est: etiam tam dirissimis flagellis nō  
est puniendus. Vos verò mortales auribûs internæ  
mentis attendite: quàm copiosissimè innocuo sanguine  
perorat MAGISTER Dolorum, ut vobis roseâ suâ sva-  
dâ auream æternæ felicitatis conciliet libertatem. Gra-  
dationis figura usitatissima Illi est: ubi de dolore in ma-  
jorem graditur dolorem. Solis tortoribus dura compla-  
cuit metaphora: ubi à propria significatione hominum,  
ad impropiam ferocium belluarum transferuntur. Quot  
quot enim vulnera in Sacratissimo corpore percipitis o-  
culis, tot flores purpuratos MAGISTRI Dolorum cense-  
atis: ex quibus nō profani Oratores animi, sed orthodoxi a-  
doratores animæ habent medicinam. Semper per adjecti-  
onem versatur in figuris MAGISTER Dolorum: dum il-  
li sine numero, sine calculo verbera cruenta adijciuntur.  
Sonant verbera, sibillant flagella, fremunt virgarum pal-  
mites, Dolorum MAGISTRO crudeliter applaudendo. Au-  
ditis à duro tergo refractas vibices, videtis sparsum in-  
nocuo cruore Corpus, spectatis densam plagarum tem-  
pestatem; attamen omnia patientissimè suffert ac patitur  
CHRISTVS innocentissimus: ut nos hinc habeamus do-  
ctrinam, & Ille MAGISTER Dolorum ostendatur. Omnia  
hæc AA. cùm essent CHRISTO per se gravia, graviora fa-  
cta sunt perjurio & abnegatione Petri. Ille enim cùm  
ante horas aliquot mundissimè lavaretur, obsonio lautissi-  
mè pasceretur, plenus fervoris & favoris, etiam ad di-  
ficillima crudelitatis argumenta se responsurum fuisse  
magnanimis pollicebatur votis. sed ubi falsissimi ex ter-  
minis insanæ acerbitalis formati, tùm in celarent, tùm in  
*ferio*



*serio* syllogismi à Petro negandi erant, ille negavit DEVM  
esse Homine, vel quod unitam Homini confitetur Divi-  
nitatem. Ad unam & alteram ancillæ ostiariæ quæstiū-  
culam, ad unius despecti ministelli verbulum, locò re-  
assumptionis & bonæ resolutionis, in falsam, quia fidei op-  
positam movetur partem Claviger Cæli. Itane Petre amor  
IESV, qui ceu Phænix ferventissimo ali debebat amore,  
in aula ad focum refrigescit? itane incautò maleficiò, per-  
juriò pusillanimi extingvitur? Quid enim Petre dereliqui-  
sti MAGISTRVM Dolorum? an perplexa verberum im-  
manium exhorruisti specimina? an parùm calluisti, & cu-  
piebas ex foco calore adimpleri? an etiam stetisti ad fo-  
cum, ut, quod cōmune est aulicantibus, aliquid proijciatur  
è tauri pingvis semiuistula offula? si sic, ex omni parte fe-  
cisti imprudenter. Grave vulnūs fuerat CHRISTO ven-  
di ac prodi à Discipulo: gravius deferi à reliquis duodecim  
virilis Collegij amicis & alumnis, fugâ timidis, dispersis  
dissipatis: gravissimū negari à te Petro. Enimverò ignosce-  
te AA. nihil hīc amplificanti: sufficit apud vos, quod vi-  
deo ad uberrimos excitandos fletus, nuda ipsa pessimè  
& crudelissimè cum CHRISTO gestorum anamnisis.  
Post tot rigidissimas inauditæ atrocitatis notas, quas man-  
svetissimè MAGISTER Dolorum toleravit: colloqui-  
tur inter se Iudæorum impietas, MAGISTER Dolorum  
est, & necdum laureâ deloris coronatus: itaq; apprimè  
Illi convenientem è spinis & paliuris concinnat coronā.  
Leve & hoc laureatum dedecus dicerem, nisi & scenica  
& sentosa hæc autoritas, adoratum Cælo terræq; verticē  
gravissimo dolore fauciaret. Mollibûs rosīs floridoq; stra-  
tum tramite iterne quærite deliciis innutriti mortales:  
Via æterna CHRISTVS spinis & sentibûs strata est, an-  
gustum molestumq; callem ad beatæ æternitatis hono-  
res indicando. At quanta vestra est immanissimi torto-  
res in mitissimū MAGISTRū crudelitas! non sufficit vobis  
solidissimīs CHRISTū innocentem virgarū catenarūq;  
oppugnare ictibûs, adhuc laureâ aculeatā Sacratissimum



Ejus Caput nimis & atrocissimè gaudetis perforare. Forsitan idè homines desistis esse, ut Dij habeamini: ubi humanò privati cerebrò Divinum quæritis, tam duris dirisq; spinarum aculeis Sanctissimum CHRISTI Caput difodientes. Advertite illibatae mentes Divina maestissimi MAGISTRI tempora redimita: aculeis non corymbis plena sunt: dolorum sentibus non lætitæ sensibus abundant. caret quidem ex se laurea gravitate; quia aridis spinis constat: sed quòd crudelissimè Divinum laniat Caput, summopere ingravescit. Torpet torpet ipso cogitationis æstu obrigescens memoria, mens admiratione defixa altis tenetur stuporibus, verba & linguam adimit formido. Dicamne profundis cicatricibus cerebrum scrutantes aculeos? Loquarne armatum dira impressione Caput? Proferamne benè sudibus & lignis violenter intrusos frontis Divinae vepres? Tace lingua, filete verba, dicat acutis sentibus fulcatus vertex, dicant spinosis ramentis laniata vulnera, dicat per tempora, per oculos, per supercilia, per genas diffusus cruor, dicat ipsum patiens in Carne Verbum, dicat MAGISTER Dolorum: quantò Ipsi salvationis nostræ constitit laurea. Lubricate, nutate, cadite ex Doctoralibus laureæ verticibus, solius CHRISTI stabilis laurus; quæ duris cerebro implantata aculeis, perpetuò Sanctissimi MAGISTRI Dolorum Capiti inhærebit. Iam inexteata Sapientia PATRIS, plenum acuminibus circumfert Caput: jam spinosa Veritas pungit nostros oculos: ut videamus MAGISTRVM Dolorum. Vide Orbis, quàm profundè salutis tuæ cogitatio Sanctissimo inhæsit Capiti, quàm acerbè spinosum sertum Virginis Illibatae redimivit Filium. Innocentia, quæ compunctione non egebat, sine peccato nata, pro peccatis mundi compungitur. CHRISTVS patientissimus acerbis spinis laureatur, ut nos mortales sertò Cælesti coronemur. Quid ultra? en Præses Romanus evulsam de vicina pallude arundinem, in vim sceptri inserit manibus CHRISTI, ut Regem Iudæorum denuntiet, & Re-



gi Regum illudat. Quid agis o acerhale & omnis prudentiæ expers Arbitrator? Regem nominari jubes, qui est MAGISTER Dolorum. Huic insigne Regnatricis Majestatis porrigis sceptrum, qui modò non regnat patiendo, sed docet mortales, quomodò regnaturi sunt in Cælesti Regione. Potius tenuem arundinis culmum vice calami porrige MAGISTRO Dolorum, ut suorum ineffabilium tormentorum mortalibus describat lectionem. Leve pro calamo arundinis pondus erit, ut fessus doloribus MAGISTER CHRISTVS habeat allevamen. Progredior ad ultiores hujus Magisterij actiones. Ita barbarie tyrannica concitatis oculis, quid aliud restabat in immanibus ludæorum cordibus? nisi, ut cum furiosè furerent, nunquam furere desinerent: nullà crudelissimà atrociam, nullis ineffabilium flagellorum argumentis, nulla laureà aculeatà, nisi solà crucis cathedra exsaturarentur. Alias pridem observant MAGISTRVM Dolorum nodum tamè ex Cathedra docentem: itaq; ut enormissimà nefariæ crucis ascendat cathedra, ipsissimè vociferatur Quid ad ista coronatus Dolorum MAGISTER forsitan abnuic spartam propositam? minimè: statim se omnium iniquissimo subdit arbitrio cathedra ascensurus. Ascendes Doloriosissime CHRISTE ascendes tunc istæ trabis cathedra, in qua adhuc doloris mortisq; argumentò oppugnaberis. Et quod majus, Ipse Tibi cathedra instat fatalis patibuli, quæ ex crasso ac aliquot annis madefacto constructur ligno, ad arduum montis Cælum tangentis verticem deportabis. Assistet Tibi ingens hominum caterva, altera nœnias canentium, altera nequitiis patrantium: illa, ut allevet pissimos humeros in planctu ac singultu imponet Cathedræ: hæc ut magis aggravet, sacrilegis manibus in plausu & lætitia tanget. Sulcabit ceu vomer aduncus profundè brachium Sanctissimum hæc dolorum Cathedra; qui sulcus in brachio omnia vulnerum documenta superabit. Procumbes aliquoties in duram filiceamq; viam sub pondere gravissimæ crucis, antequam in tumidum sua altitudine exiveris cliyum. Et



ut velociori progrediariis passu, ferro catenarum traheris  
nexu. Factum est ut dixi AA. Tradit CHRISTO gravidū  
luctuosæ crucis stipitem Iudæorum infidelitas, quem baju-  
laturus sacris excipit humeris: ut in illo nefariam salutis  
nostræ prædatricem suspendat mortem. Sauciatur atrocis-  
sime cruce angulosa brachium MAGISTRI Dolorum, ut  
hoc sacro vulnere, lethifero animæ humanæ cicatrici me-  
deatur. Corruit in terrā aliquoties CHRISTVS sub gran-  
di molimine crucis, nos erudiendo, ut potius sub quavis  
ærumnarum cruce procidamus, quā illā portare abnu-  
amus. Citiùs trahitur ferreis concatenatus nodis, ut veloci-  
ùs solvat æternis cruciatibus innodatos. Progreditur in  
altum verticis culmen, ut elatum inferni devincat bella-  
torem. Ite & vos ite cruentis CHRISTI insistendo vesti-  
gijs parentales lacrymæ: scande Calvariæ clivum suspiri-  
is altis gemebunde dolor: citiùs funesti ad culmen mon-  
tis properate mærores: jam Laureatus Dolorum MAGI-  
STER montana sacris pedibus tangit cacumina, horribilis-  
simæ crucis cathedram possesurus. Vbi ventum est, con-  
cretis in sanguine & corpori cruentato adglutinatīs vesti-  
bus exiit CHRISTVS, ut ex se, utpotè *vermē* in reno-  
vandam purpuram iterum sanguineum producat sericum,  
in qua purpura Dolorum MAGISTER ex cathedra crucis  
non decenter, sed ignominiosè emeretur. Tollitur ad cru-  
cem in ipsa montis excelsi summitate innumeris affectus  
plagis CHRISTVS innocentissimus, ut totus videat or-  
bis, quæ & quanta pro ipso sustulit, toleravit. Manat  
cruore toto corpore patientissimus IESVS, ut hoc cruore  
innocuo, passionis Ejus imaginem, in nostris cordibus de-  
pingamus. Hiat undiq; vulneribus ut speculū mortis æter-  
næ vulneratos in vitam animet feliciorē. Nudus in ab-  
jectissimo suspenditur ligno, ut nos olim abjectos, modò  
Cælesti cooperiat indumentō. Per potentissimam exten-  
sionem in cruce dilatatur Reparator Salutis nostræ, ut  
Illi mors perpetua cedat ubiq; possessione. Clavis trabali-  
bus affigitur cruci, ut Illum nostræ perpetuò hæsiturum



memoriæ affigamus. Manus sacratissimæ CHRISTI duris perforantur clavīs, ut in nostris manibus fortius teneamus repositū æternæ felicitatis globum. Pedes divinissimi transodiuntur crudelissime, ne nostri pedes ad Cælestem scandendo Regionem, lædantur ad lapidem offensio- nis. Quid tamen agis ô scelestæ, impia, barbaraq; militum cohors? itane moliri scelus non desinis, ut pati non desinat DEVS HOMO? itane Eum infami adnectis patibulo, Qui nos ad Regni Cælestis Solia est evecturus? itane manus illas perforas, quæ Cæli fores referāt: cruci alligas, quæ nos stygi mancipatos in libertatem asserunt? itane pedes clavīs configis, qui salutis publicæ causā, tot regna, tot diversissimas populis & moribus urbes peragrarunt: qui tot lectissimis vestigiis iter ad astra signaverunt? Sed frustraneis eos detineo verbis, qui sic indomito æstuant furore, ut quidquid eorum impietas, crudelitatum, tormētorum, cruciatuum effingere potest, his omnibus CHRISTVM innocentissimum gaudeant afflictere. Premitur sitī ardentissimè MAGISTER Dolorum, novercale poculum felle & acetō myrrhatō mistum porrigitur illi, ut nos æternæ amaritudinis pocula effugiamus. Fel insigne amaritudinis est, ut MAGISTER Dolorum amarus ostendatur illis, qui omninò respuunt doctrinam Ejus passionis. Acetum insigne attritionis est, ut dura in hac percipienda lectione dolorum atterat mortalium corda. Alumnos hujus Sanctissimi MAGISTRI indagatis? duos nactus est; quos ex utraq; parte nefanda vitæ insolentia in luctuosa trabe sedulos fecit, dispares tamen in audiendo: etiam unum edocet, sibi attendentem: *hodie mecum eris in Paradiso.* Doctrinam Ejus investigatis? hanc nobis dictat Sanctissimus MAGISTER: *Pater ignosce illis quia nesciunt quid faciunt,* scilicet instruit nos, ut injurias nobis illatas potius dissimulemus, quam ulciscamur, nostrisq; adversariis libenter ignoscamus. Jam collimat ad finem spinis Lau- reatus MAGISTER, jam ultimam dolorum tradit Lecti- onem, cum diro cruciatu in eminenti crucis dolendæ ca-



thedra exspirando, CHRISTVS patientissimus extremis  
 vitæ spiritibus extingvitur, ut nostra vita extingvitur in scele-  
 ribus illuceat perennatura. Quid ultra? mens et, ani-  
 mus contremiscit, ut nefanda militum infidelium hoc in  
 corde videat, quidquid olim protulit ore MAGISTER Sā-  
 ctissimus, unus eorum aperit lanceā Divinum pectus, Et  
 dum Cor CHRISTI transfigitur, mea lingua videtur tor-  
 pescere. Quare vos tantum effusæ Astris adeste Cælitum  
 cohortes, & crucifixum Cælorum Principē promptis stu-  
 diis adorete. Adeste & vos mæsta mortaliū agmina, pro-  
 clamatum MAGISTRŪ Dolorū unanimi colite obsequiō.  
 Adeste inquam, Ipse vos Dolorū MAGISTER invitat sā-  
 ctissimo deorsum capite inclinato. Extendit latissime in  
 cruce manus, ut universos discipulos amplectatur. Cor re-  
 præsentat apertū; ut à Corde Illius uti primo vivēte æter-  
 nū vivere inchoent universi. Sed simul eodē corde loqui-  
 tur MAGISTER Dolorū has duas cathedras, unam, quod  
 Ejus nonnisi sequaces Discipuli, ad Cælestē Academiā fi-  
 ent candidati, alterā, quod āplius humanā non assumet  
 carnē, ut pro humano genere iterū patiat. Ostēdit cru-  
 delissimē laniatū Sanctissimū Caput, quod postea de homine  
 stygijs immerso undis amplius nō cogitabit. Demonstrat  
 atrocissime vulneratas manus, quod illis pro salute hun-  
 na iterū bajulādā nō tenebit crucē. Repræsentat imma-  
 simē diffosos pedes, quod non ibit pluries vitam mo-  
 lū quæsiturus. Proinde date svadeo universi huic Sar-  
 cophago MAGISTRO Dolorum, mentis benevolas aure  
 quolibet momento discatis ab Illo, quomodo in vos  
 insurgentes ærummarum, cruciatuū, anxietatū tole-  
 rare procellas, Hic vos edocebit, uti MAGI-  
 STRER Dolorum, qualem hactenus  
 demonstravi &

X

D

I

L





Biblioteka Jagiellońska



stdr0026123



~~Chrestienius Jacobus~~

~~Chrestienius Jacobus~~